

欽
定
全
唐
文

欽定全唐文卷一百五十三目錄

李義府

承華箴

大唐故禮部尚書張府君碑

大唐故蘭陵長公主碑

劉思立

諫農時出使表

爲河南王武懿宗論功表

劾韋萬石奏

尉遲敬德

諫親征高麗疏

李靖

天老神光經表

乞解職表

上西嶽書

李勣

請高祖太宗俱配昊天上帝表

諫留神主於內寢表

請遷主祔廟表

闔立本

僧道拜君親議

戴胄

諫修洛陽宮表

請建義倉疏

盛彥師

與弟書

欽定全唐文卷一百五十三

李義府

義府瀛州饒陽人貞觀八年擢第補門下省典儀累除舍人加崇賢館直學士高宗立卽閣上表請立武昭儀爲后擢拜中書侍郎同中書門下三品賜爵廣平縣男尋進爵爲侯拜中書令封河間郡公龍朔三年遷右相坐賊除名流謫州乾封元年卒年五十三如意元年武后以其有翊贊功追贈揚州大都督

承華箴

邃初冥昧元氣氤氲二儀始闡三才既分司乾立宰出震
爲君化昭淳朴道映典墳功成揖讓事極華勛肇興夏啟
降及姬文咸資繼德永樹高芬百代沿襲千齡奉聖粵若
我后丕承寶命允穆三階爰齊七政時雍化洽風移俗盛
載崇國本式延家慶震維標德離警體正寄切宗祧事隆
監撫思皇茂則敬詢端輔業光啟誦藝優干羽九載崇儒
三朝問豎厯選儲儀遺文在斯望試登俎高喻喬枝俯容
思順非禮無施前修盛業來哲通規飭躬是蹈則叡問風
馳立志或爽則元猷日虧無恃尊極修途難測無恃親賢

失德靡全勿輕小善積小而名自聞勿輕微行累微而身
自正佞諛有類邪巧多方其萌不絕其害必彰監言斯屏
儲業攸昌竊惟令嗣有殊前事雖以貴以賢而非長非次
皇明睠德超倫作貳匪懋聲華莫酬恩異匪崇徽烈莫符
天志勉之又勉光茲守器下臣司箴敢告近侍

大唐故禮部尚書張府君碑

闕

燕於闕闕一下闕

緒紀雲凝

闕闕一闕

鬱馬之闕

之闕

爰彰

於必復積慶成

闕闕大闕

逸闕闕二

道高衡泌垂董帷而勛志

掩孫戶而

闕闕三

前賢之

闕闕二

先聖之旨於

闕

標遠概漢東

籍其英烈江北仰其嘉猷俗推獨步時稱闕二屬炎靈版

蕩闕一縣崩離闕且闕六之陰謀癖左邱之微婉引公為

師友特蒙優遇公歷闕一圖識備詳興滅昔黃闕二彩驗

闕一苗之必闕屢申借箸之謀逮高祖九五飛天一六光

宅思闕一西之績想中涓之從武德元年授齊闕一府文

學闕誠闕改闕一齊闕一文學九闕一又轉行鄴闕一府

文學公曾徽彌劭累職英藩置醴援恩踰闕一穆闕二苑

苑闕燕闕行闕參軍輕闕二飛闕一西園之良宴長裾晨

曳叶東平之樂善至如梁臺逸藻賦來水之檀欒楚澤奇

材

闕一

倚天之

闕二

以

月命公

闕

共難經

闕二

雅

闕二

揚高情傲儻飛談鋒起騁論濤驚百辟於是解頤一人由

其拭目獨

闕一

四座之

闕一

孤

闕二

席之

闕

吏猾

闕一

公克奉朝章以毗藩化務崇清簡政闡廉平惠澤旁流嘉

謠遠洽尋以東陽富域露輕浮載革敬讓爰興聊遵置

薤之言俄喧伐枳之詠既而景催奔箭禮就懸車

闕三

於

闕

學

闕

除國

闕

祭酒詞條縱辯

闕一

五

闕一

於環林言泉

騁義降三鱣於璧沼教興青領術究丹碑纔

闕一

風行之

化

闕一

致月

闕一

之益

闕一

宏

闕一

禮

闕三

所以

闕

彼

三
字之

闕四

難

闕一

望

闕二

方

闕一

斯

授

廿三年

除

散騎常

侍

出陪鸞輅

承密勿之榮

入映貂璫

闕三

之重

闕三

達

闕

公累登

闕

娛黃髮

庶褫青緇

屢申祈請

久而方遂

永徽五

年下詔曰

褒賢之義

列代彛章

尚齒之風

闕四

散騎常侍

歸

闕一

嘉聲於瑣闥

懸車禮及抗表

祈閑宜錫崇班

式

旌高志可

金紫光祿大夫

闕

川閱蒼波

風驅白日

方扈云

亭之禮

奄纏窳室

之悲以顯慶三年正月七日

遘疾薨於

長安縣之

闕

下

闕七

禮窮寵秩

桓榮侍講恩加詔葬

故金

紫光祿大夫張允

識量寬厚體業淳粹

依仁遊藝經明行

義

烈

節

高

才

美

修早蒙

闕

德

闕

十

字

闕

一

以

闕

一

安

斯

鐘

漏

懸

車

邑

里

方

養德於東序奄移舟於夜壑永言懿範實愴於懷

闕

一

遠

闕

四

彝

典

闕

葬

昭

陵

賜

闕

人

監

護

粵

以

其

年

日

陪

窆

於

昭陵所禮也惟公靈臺祕遠神府沖深

闕

一

身

以

恭

儉

之

闕

二

德

以

忠

闕

河

之

疑

闕

一

邁

闕

二

之

闕

五

之

闕

二

帝

闕

字

闕

一

綜

微

言

於

繫

表

授

雅

訓

於

宸

衷

覽

稷

起

而

知

真

聽社鳴而

闕

一

聖

策

名

睿

主

委

闕

德

闕

表

其

芳

闕

一

謠

闕

三

美化恭勤處事平允居心激撓不移始終無爽暨乎清

輝已謝緝禮猶加

闕

一

八

座

之

榮

闕

一

九

闕

一

之

闕

公

闕

二

零池字闕四尉第二子濟子謙第四子異第六子小師並

早亡第五子律師泗州司馬第七子統師太常丞第八子

豐闕之闕徵闕一載闕一刊鐘鏤鼎功伐攸傳思撰芳猷

樹之神道俾清埃之不絕與皎日而長懸其詞曰

闕九輔祥鈞叶贊互顯題楨各隆棟幹壁來耀庶珠生滋

岸其散闕一宏道華禁飛名零陵導德雅俗闕一聲帝師

闕二學闕杏壇業優槐市其四野瓜分三方鼎立察景遙

鶩瞻星迴集師傅攸闕一思徽備及禮光錫闕一寵闕爰

闕五年登扶麻日就素範攸簡青規式授望表時髦德華

朝秀

關芝

關二赤松馳

關一方

切三友哀纏九族

其恩

隆詔葬澤被幽挺兆培畢

關三

原阡

關

大唐故蘭陵長公主碑

關十之

關五

覆餗緬懷千

關四

乎若乃潤柔範於椒庭

關六

包四德而由已總六行以立身騰潤質於方流耀清

輝於

關一

魏

關二

則蘭陵長公主兼之矣公主諱淑字麗

貞隴西狄道人也高祖武皇帝之孫太宗文皇帝之第十

九女也原夫電影流樞瑤華襲月十枝分葉五潢疏派帝

子光於

關一

葉

關二

降於

關一

陵

關一

亦煥彼緹油懸諸

日月公主稟中和之正氣陶上質之粹靈履冰泉以表潔
踐霜柏以含貞首無金翠之飾耳絕絲桐之聲共梁妻而

比行與萊婦而齊名况乃婉順幽閑端凝淑美擢春葩於

蘭籍皎秋月於芝田神鑒詳明風徽韶美仁爲性道豈資

冥助孝實天經因心必極雖左姬之含華挺秀謝媛之毓

德揚芬式鏡前芳流風詎遠九齡讀易窮謙損之微言闕

字歲學書盡鍾張之妙迹文皇帝愛旣纏心特流闕二貞

觀十年乃下詔曰第十九女理識幽閑質性柔順幼嫻禮

訓風鏡詩文湯沐之典抑有恒規可封蘭陵郡公主食邑

三千戶榮寵之錫雖冠公官撫挹之情常懷闕二而形闕一

字未降紫蜀闕一停妙選高門方從下嫁天子永言舅氏

情深渭陽載穆彛章用崇姻戚駙馬都尉慶州諸軍事使

持節慶州刺史扶風竇懷愆卽太穆皇后之孫銀青光祿

大夫少府監上柱國德素之子潔澄瀾之萬頃飛辯箭以

浮闕一擢貞闕一於千尋聳闕二以拂日譬良金之百鍊

喻華燈之九光踐孝資忠履仁基信泛虛舟而獨往鑿止

水而忘歸出總寨帷政均黃趙入司交戟任切鈎陳業峻

竄金闕一班家之十紀勳闕五宗之五碑射技逸技貫七

札而稱妙揮毫雅製標六義而含章搏勁翮於南溟騁逸
足於西海自中陽纂厯春陵應圖或慶發黃雲祥浮紫氣
或家藏金穴瑞表

闕二

皆聲塵

闕四

荒

闕一

我有餘慶奕

代椒房嬰則望重西京融乃名高東漢克復其始遠屬華

宗故知德祖太尉之孫旣傳芳於楊敞元成丞相之子亦

絢美於韋賢

闕一

地清華僉論

闕二

竇

闕一

之

闕一
屬

字比夫遠

闕一

獨暎前修公主義叶三從情歸百兩賓敬

之禮必表於閨庭喜愠之容不形於造次敦睦親於娣姒
竭蒸孝於舅姑言應禮經動合規矩皇明嗣極載篤周親

永徽元年別拜長公主仍加封五十戶恩崇湯沐寵茂輜

輶公主深誠驕侈常安儉薄前後錫賚莫不固辭皆理爲

情申文非貌請誠宜憑斯積慶享彼遐齡而與善徒欺輔

仁多爽春秋卅二以顯慶三年八月

闕一字

八日

闕一字

疾薨

於雍州萬年縣之平樂里第反魂之香空留

闕一字

被

闕一字

簫之

闕一字

終辭鳳臺奉詔竇氏旣是大外家情禮稍異特

宜陪葬昭陵卽以其年歲次己未十月甲辰朔廿九日

闕二字

字

遷窆於

闕一字

陵

闕二字

十里安樂原禮也聖上哀深同氣

特降殊私賙禭所須務存優厚弔祭之禮有異常倫仍勅

衛尉卿閻立行光祿卿殷令名爲副監護喪事特給鼓吹
送墓往還惟公主妙質柔明雅識詳潤芝蘭成性琬璧爲
心莊敬自持溫謙逮下聿修蘋藻

闕一字

奉宗祧有

闕二字

之

闕一字

懷

闕二字

之操信可以流芳鼎室垂訓台庭茂麟趾於

黃圖敞龍門於赤縣而星沈寶婺月掩金娥寂寂荒階唯
瞻茂草亭亭虛帳空見遊塵豈直痛結冕旒悲深儲貳而
已駉馬軼安仁之永歎邁奉倩之傷神悼奔駟之難留泣
藏舟之易

闕三字

相費

闕三字

以

闕二字

幼婦外孫

闕二字

碑而見

託輒牽拙思乃作銘云其詞曰

赫赫皇猷昭昭帝族導源姜水分枝若木月浦資粹星津

誕淑秀發雲翹祥摛日谷其一兩儀演慶四像闕一輝承闕一

字丹掖闕二黃扉闕一慎無怠祗敬弗違禮崇舉案慈流

斷機其二秋窗望月春樹臨風裁箴作範草賦開蒙詞溫華

瑾文艷雕蟲鉛芳罷飾紉組爲闕一桂棟晨開梅梁晝

敞光闕三香飄翠幌鳳簫凝吹魚軒疊響虹玉輝庭驪珠

耀掌其四粵有道人標暎楮紳日下馳譽席上稱珍孔合成

偶輔德爲鄰一調琴瑟載叶松筠其五皎皎令姿盈盈淑哲

匪唯侍君所期同穴闕一劍光沈闕一鸞闕一絕蘭儀方

秀著芳遠折

其六

女樓西顧娥臺北臨山煙漠漠隴日沈沈

白楊行拱翠檣方深式刊貞筍永播徽音

其七

劉思立

思立宋州寧陵人高宗時爲侍御史遷考功員外郎

諫農時出使表

臣思立言臣伏見河南河北旱儉敕遣御史中丞崔謚給事中劉景先分道存問兼量事賑貸竊以水旱流行古今代有不專示青亦以戒盈伏維天皇德越堯湯恩隆父母纔逢殊候卽軫沖襟但謂聖人隔於九重不知皇心遍於

四海所以分道出使量使優矜曲成賜給特加存問誠非
愚闇所合名言然芻蕘之情尚有未達敢獻狂直乞垂省
覽何者麥序方秋蠶功未畢三時之務萬姓所先敕使巡
撫人皆悚忙忘其家業冀此天恩踴躍來迎必難抑止集
眾既廣妨廢亦多加以途程往還兼之晨夕停止設遣物
去決不盡還况宣問須見眾人賑給須作文簿少處猶經
兩月多處必更淹延都計所厯州縣煩擾不可勝紀又一
使之下凡有一十六人并馱所須總來一馬無驛之處須
動公私簡弱取強非五十匹不可禁馬之所求覓甚難使

通鑑卷之三十三 卷之三十三
人欲求必須預追簡擇雨後農務特切常情暫廢須臾卽
虧歲計每爲一馬遂勞數家從此相乘恐更滋甚又刺史
縣令委任不輕准敕卽成合稱明旨用倉給戶不足爲難
且令賑貸庶免饑乏若須出使褒貶請待秋後閑時臣備
位憲司不敢不奏

爲河南王武懿宗論功表

臣懿宗言伏奉某月日制書錄臣等在軍微功將加勳封
嘉命聿至寵靈載優伏對慙頌魂守顛越臣某中謝臣聞
古者名將先士卒而後身故其功勳末世庸將窮人力以

寵已故其政乖然則簞醪投河三軍告醉刳印在手萬夫以失與眾共功專以獨利成敗之紀興亡繼焉賞者國之大柄不可忽焉日者林胡構孽敢亂邊陲陛下徵義兵誅不道天下士眾焱集星馳皆忘身憂國紆禍却難至於躬矢石血草莽冒難險歷寒溫氣騰青雲精貫白日誠亦勤矣雖則聖靈威遠逆虜自滅然士卒戮力亦盡其勞今大功未酬眾議猶在而臣等駑怯猥加先封臣不能折衝虜庭還師衽席今坐加茅土之賜以先將士之勤使鷁冠虎臣將何以勸今戰夫留滯於外府軍吏咨嗟於下寮臣等

胡顏敢冒天造夫賞一勸百猶恐未孚利一沮萬其弊誰
救爵命不可以招謗國章不可以假人伏願俯迴天光照
誓軍禮請以臣前件勳封迴授征戰之人及立功將士等
上以明國之大賞下以知臣等謬功使人悅忘勞士感知
死然後兵可訓勵士可誅屠此誠國之元經不可苟而利
者臣等不勝區區悚迫之至

劾韋萬石奏

移風易俗莫善於樂睦親化人莫善於孝所以三年之禮
天下通喪今遺音聲人釋服爲樂帶經治音豈以小人不

能執禮遂欲約爲非法萬石官太常首紊風化請付吏論
罪

尉遲敬德

敬德名恭以字行朔州善陽人爲劉武周將軍敗降秦王
爲右一府統軍除右武侯大將軍封鄂國公授開府儀同
三司圖形凌煙閣太宗征高麗詔以本官行太常卿爲左
一馬軍總管顯慶三年卒年七十四冊贈司徒并州都督
諡曰忠烈

諫親征高麗疏

車駕若自往遼左皇太子又監國定州東西二京府庫所
在雖有鎮守終自空虛遼東路遙恐有元感之變且邊隅
小國不足親勞萬乘若剋勝不足爲武儻或不勝恐爲所
笑伏請委之良將自可應時摧滅

李靖

靖字藥師雍州三原人仕隋爲馬邑郡丞太宗召入幕府
從平王世充蕭銑授上柱國封永康縣公貞觀中拜刑部
尚書以本官兼檢校中書令封代國公加左光祿大夫拜
右僕射圖形凌煙閣進位衛國公開府儀同三司二十三

年薨年七十九贈司徒并州都督諡曰景武

天老神光經表

臣聞人不見形憑諸水鑑事不可預明其符兆著灼是虛尚假精意水鑑雖徹資其目成故形以目窺而見微兆以識察而觀妙斯事畢舉孰可倣之如有一闕則難依據臣性識愚劣藝術淺薄覽於異書頗知至要只如目前者定近遠察是非辯青黃知善惡上觀乾象中測人情下鑒坤維斯等莫不皆由目中光也若能見之戰鬪出軍涉水陸卽目下烝黑若光去目患難立至則上不能見輔星中不

能辯親疎下不能觀萬物此神光去矣其不覩斯妙臨患之時夫何誤哉頗有云爲兼以昏晦若能存神光於目皆察輔星於武曲則不勞著灼休咎預分未接兵戈前知勝負其文省而易教其理精而易通固可以去危就安轉禍爲福是知高祖心動卒免迫人之謀趙襄馬驚懸知刺客之狀古來賢哲皆宗師曠晉平張良受黃石之要此乃傳行世代歷載旣深文字或謬語有其繁臣竊不自揆輒次之以此成一軸號曰天老神光謹進於闕庭臣熟知陛下聖慮明暢妙理精通然臣今敢聞以繁聽覽臣恐陛下以

此微細不納宸衷臣之愚直實以爲保護聖躬莫不至斯道危難之代實以保身臨事便知吉凶固詳察不鄙芻蕘無任忠懇之誠謹冒死奉表謹獻以聞臣誠惶誠恐死罪死罪謹言貞觀七年月日右僕射衛國公臣李靖上表

乞解職表

臣聞宰臣程材樗散無棟梁之用陶冶成器滿盈有傾覆之憂是以量力著於魯史招損陳於夏載臣固庸流無階貴仕短翮慕侶顧榆枋而自得駘足追羣瞻燕越而絕思幸屬光華啟旦管庫無遺錄其丹赤棄其瑕滓假宮商於

庸音披丹漆於朽質雖復南臨徼外北踐沙場敵必倒戈
人懷尚義以此爲效實貪天功而上賞亟行鴻恩罔已錫
爵胙土連衡寇鄧腰金鳴玉方軌崔盧木石有心豈不增
愧自濫端副待罪文昌覲顏疚心屢移星躔畫一之譽無
紀明時維鵜之譏日聞朝聽遂使化洽陰陽或虧於玉燭
德動辰緯時爽於珠聯求其所繇並臣之咎加以年事西
夕疴疾日侵腰脚疼痺筋力衰竭雖欲勉勵非復全人臣
猶知之况於他人人臣之所祈本陳情實非敢追蹤疎傳繼
跡留侯妄自矯飾求茲虛譽若使尸素重任無損國猷亦

當黽俛匪服甘受身累撫事論心無一而可乞解所職養
病私門伏願暫屏冕旒曲鑒丹懇輟天威於雨露迴陽光
於葵藿則彛章載穆品物咸亨臣未申投報方違軒陞伏
紙慙戀預懷罔極

上西嶽書

布衣李靖不揆狂簡獻書西嶽大王閣下靖聞上清下濁
爰分天地之儀晝明夜昏乃著神人之道又聞聰明正直
依人而行至誠感人信不虛矣伏惟大王嵯峨擅德蕭爽
凝威爲靈術制百神配位名雄四嶽是以歷像清廟作鎮

金方遐觀歷代哲王莫不順時禋祀興雲致雨天寶肯從
轉擊爲祥何有不賴嗚呼靖者一丈夫爾何得進不偶用
退不獲安呼吸若窮池之魚進退似失林之鳥憂傷之心
不能已已社稷陵遲宇宙傾覆奸雄競逐郡縣土崩遂欲
建義橫行雲飛電掃斬鯨鯢而清海嶽卷氛祲以闢山河
使萬姓昭蘇庶物昌運卽應天順時之作也又大寶不可
以妄據欲伏劍竭節未有飛龍在天捧忠義之心身傾濟
世志吐肝膽於階下惟神鑒之願告進退之機得遂平生
之志有賽得之時終陳擊鼓若三問不對亦何神之有靈

然後卽靖斬大王頭焚其廟建縱橫之略亦未晚也惟神
裁之謹按是書詞氣過激故廣川書跋弇州山人稿石墨
鐫華皆謂出自後人依託以李肇國史補嘗徵引其
事仍載
入存考

李勣

勣字懋功曹州離狐人本姓徐初從李密守黎陽武德二
年隨密歸朝授黎州總管封萊國公賜姓附宗正屬籍徙
封曹累遷左監門大將軍太宗朝拜并州都督徙封英召
爲兵部尚書授詹事同中書門下三品畫像凌煙閣出爲
疊州都督高宗立授開府儀同三司同中書門下參掌機

密冊拜司空加太子太師總章二年卒年八十六贈太尉揚州大都督諡貞武勳本名世勳避太宗偏諱改名勳

請高祖太宗俱配昊天上帝表

臣聞殷薦上帝事有明文祖宗並列抑惟通軌雖三五以降損益不同漢魏以還沿革殊致至於帝郊嚴配之儀尊祖敬宗之典固以因心宏範緣情作則孝思聖敬迴冠往初茂實宏規遂高終古伏惟高祖太祖皇帝改物創業撥亂反正受終明三統之歷執競隆七百之基御極垂衣稱物平施隨山靜稽天之浸授首撲燎原之災元功暢於六

虛聖績覃於四海巍巍蕩蕩無得而稱太宗文皇帝鑿乾
履度括地提衡蕝修蛇於洞庭戮蚩尤於中冀戡召雨追
風之擘軼斷鼈煉石之勤微禹之功用軫宣尼之歎曰文
之德實符姬旦之時叡智神武含宏光大深居高視懷日
月以炤臨剛健柔明體乾坤之博厚求賢勞於宵夢拜善
急於朝飡總宇宙以彌綸運陰陽而陶鑄變澆僞於華胥
之俗還淳朴於大庭之辰九譯同文八荒順軌人神以合
祥瑞畢臻巢鳳下窺遊麟易擾山車澤馬遠服瑤池之駕
醴泉甘露近充上壽之尊優遊垂拱制禮作樂遠鏡百王

獨爲稱首再造區夏重安宸極昊天成命二帝受之升降
節文不宜差別而肅恭禋祀綴兆分位升中告禋天地別
饗乖嚴父配天之文失尊親加隆之數今歸功中嶽請以
二帝並配竊以太穆皇后造舟備禮爰定厥祥處人倫之
經居風化之始追蹤文母播美周姬文德皇后覩天作合
曾沙表慶功侔十亂化被二南兩聖旣已配封則二后應
須配禋申宸思淳深之極宏聖朝敬愛之旨自我作古聞
之往策周制所定夫何足云斯乃振揚休烈昭宣懿範請
存乎不刊永貽來葉

諫留神主於內寢表

竊以祖功宗德飾終之祠典武穆文昭版配之洪訓愛敬之至率由茲道禮有節文事經列聖苟違斯義國家賒恥况逾月之外須伸大裕下管登歌發暢雅頌郊天配帝光華勳烈如停祔禮諸美咸棄伏願取法前王垂訓翼子

請遷主祔廟表

竊謂合宜今時廟制與古不同共堂別室西方爲首若在西夾之中仍處尊位祈禱則祭未絕祈享方諸舊儀情實可安宏農府君廟遠親殺詳據舊章禮合迭毀臣等參議

遷奉神主於夾室本情篤敬在理爲允

閣立本

立本大安公贈吏部尚書立德弟顯慶中累官工部尚書
總章元年以司平太常伯拜右相封博陵縣男咸亨元年
官復舊名改中書令卒諡曰文貞

僧道拜君親議

竊以寂滅垂範猶宏孝敬之義無爲闡化終叶虔恭之禮
雖道超可道尚繫於三尊法空諸法猶包於四大况皇猷
遠暢衍地義以宣風聖澤遐霑浹天經而灑潤至德所被

理不隔於幽明大道旁通故無分於真俗而違方之士空
迷相物之心淪俗之徒尚嬰自我之累莫識九重之貴不
知得一之尊絕忠孝於君親棄親愛於母后求諸至理竊
謂不通俱拜君親未乖舊典謹議

戴胄

胄字元允相州安陽人隋大業末爲鄭州長史鎮武牢太
宗剋武牢得之引爲秦府士曹參軍及卽位除兵部郎中
封武昌縣男貞觀四年以太子左庶子參預朝政進爵郡
公七年卒贈右僕射追封道國公諡曰忠

諫修洛陽宮表

陛下當百王之弊屬暴隋之後拯餘燼於塗炭救遺黎於倒懸遠至邇安率土清謐大功大德豈臣之所稱贊臣誠小人才識非遠唯知耳目之近不達長久之策敢竭區區之誠論臣職司之事比見關中河外盡置軍團富室強丁並從戎旅重以九成作役餘丁向盡去京二千里內先配司農將作假有遺餘勢何足紀亂離甫爾戶口單弱一人就役舉家便廢入軍者督其戎仗從役者責其糗糧盡室經營多不能濟以臣愚慮恐致怨嗟七月已來霖潦過度

河南河北厥田洿下時豐歲稔猶未可量加以軍國所須皆實府庫布絹所出歲過百萬丁既役盡賦調不減費用不止帑藏其虛且洛陽宮殿足蔽風雨數年功畢亦謂非晚若頓修營恐傷勞擾

請建義倉疏

水旱凶災前聖之所不免國無九年儲畜禮經之所明誠今喪亂之後戶口凋殘每歲納租未實倉廩隨卽出給纔供當年若有凶災將何賑卹故隋開皇立制天下之人節級輸粟名爲社倉終於文皇得無饑饉及大業中年國用

不足並貸社倉之物以充官費故至末塗無以支給今請
自王公以下爰及眾庶計所墾田稼穡頃畝至秋熟準其
見在苗以理勸課盡令出粟稻麥之鄉亦同此稅各納所
在爲立義倉若年穀不登百姓饑饉當所州縣隨便取給

盛彥師

彥師武德時官宋州總管

與弟書

吾奉使無狀被賊所擒爲臣不忠誓之以死汝宜善待老
母勿以吾爲念

欽定全唐文卷一百五十四目錄

楊譽

紙鳶賦

李延壽

上南北史表

關朗傳

劉孝孫

沙門慧淨詩英華序

張蘊古

大寶箴

韋挺

論風俗失禮表

裕禘功臣配享議

涇水讚

敬播

駁刑部謀反大逆兄弟改從重法議

上官儀

一

黜梁王忠爲庶人詔

冊紀王慎爲荊州都督文

冊周王顯爲并州都督文

冊殷王旭輪文

冊號王鳳爲青州刺史文

冊江王元祥爲鄜州刺史文

冊殷王旭輪爲單于大都督文

冊許圜師左相文

冊薛孤吳仁右金吾衛大將軍文

冊竇元德司元太常伯文

欽定全唐文卷一百五十四

楊譽

譽贈華州刺史志誠父官右衛副帥慈汾二州刺史諡曰靜

紙鳶賦

相彼鳶矣亦飛戾天問何能爾風之力焉余因稽於造物知不得於自然原其始也謀及小童徵諸哲匠蔡倫造紙公輸獻狀理織篋以體成刷丹青而神王殷然而髡彼羽翼邈然而引夫圓吭膺繫纖縷趾續長繩俯劇驂之七達

挂高臺之九層形全而和似鬪雞之養紀涓目大不覩若
異鵲之在雕陵因所好而毛羽思有遇而騫騰鄙宋都之
退鷁慕溟海之搏鵬於是扇以扶搖縱諸寥廓絢練倏閃
翕赫忽霍瞬息而上千尋咄嗟而遊大漠翔鷲仰而不逮
况青鳥之與黃雀彼都人士瞻竚城隅初指冲天之鶴遠
言拂日之烏望有塵埃謂翻形而載旆聽無音響疑避影
以銜蘆始迴翔於元氣終出入於高衢所以羽翮旣成雲
霄自致期上騰以奮激何中路之顛墜力不培風勢將控
地感魚龍之失水冀蚊蟲之附驥比畫虎之非真與芻狗

之同棄寧待時而蓄力信因人以成事吁嗟鳶兮適時與
我兮相期知我者使我飛浮不知我者謂我拘留啄腐鼠
兮非所好嘯茅棟兮增至愁才與不才且異能鳴之雁適
人之適將同可狎之鷗我於風兮有待風於我兮焉求幸
接飛廉之便因從汗漫之遊當一舉而萬里焉比夫榆枋
之鸞鳩者哉

李延壽

延壽世居相州貞觀中累補太子典膳丞崇賢館學士轉
御史臺主簿兼直國史遷符璽郎卒

上南北史表

臣聞史官之立其來已舊執簡記言必資良直是以典謨
載述唐虞之風尤著誥誓斯陳殷周之烈彌顯魯書有作
鹿門貽鑒於臧孫晉乘無隱桃園取譏於趙孟斯蓋哲王
經國通賢垂範懲誠之方率由茲義逮秦書既煬周籍俱
沒子長創制五三畢紀條流且異綱目咸張自斯新以後
皆所取則雖左史筆削無乏於時微婉所傳唯稱班范次
有陳壽國志亦曰名家並已見重前修無俟揚權洎紫氣
南浮黃旗東徙時更五代年且三百元熙以前則總歸晉

著述之士家數雖多多泛而商畧未聞盡善太宗文皇帝
神資睿聖天縱英靈爰動沖襟用紆元覽深嗟蕪穢大存
刊勒旣懸諸日星方傳不朽然北朝自魏以還南朝從宋
以降運行迭變時俗汚隆代有載筆人多好事考之篇目
史牒不少互陳聞見同異甚多而小說短書易爲湮落脫
或殘滅求勘無所一則王道得喪朝市貿遷日失其真晦
明安取二則至人高跡達士宏規因此無聞可爲傷歎三
則敗俗巨蠹滔天桀惡書法不記孰爲勸獎臣輕生多幸
運奉千齡從貞觀以來屢叨史局不揆愚固私爲修撰起

登魏國元年盡隋義寧三年凡三代二百四十四年兼自
東魏天平元年盡齊隆化二年又四十四年行事編爲本
紀十二卷列傳八十八卷謂之北史又起宋永初元年盡
陳眞明三年四代一百七十年爲本紀十卷列傳七十卷
謂之南史凡八代合爲二書一百八十卷以擬司馬遷史
記就此八代而梁陳齊周隋五書是貞觀中勅撰以十志
未奏本猶未出然其書及志始末是臣所修臣旣夙懷慕
尚又備得尋聞私爲抄錄一十六年凡所獵畧千有餘卷
連綴改定止資一手故淹時序迄今方就唯鳩聚遺逸以

廣異聞編次別代共爲部秩除其冗長摭其菁華若文之所安則因而不改不敢苟以下愚自申管見雖則踈野遠慙先哲於披求所得竊謂詳盡其南史刊勘已定北史勘校粗了既撰自私門不敢寢嘿又未經聞奏亦不敢流傳輕用陳聞伏深戰越謹言

關朗傳

府君曰先生說卦皆持二端朗曰何謂也府君曰先生每及興亡之際必曰用之以道輔之以賢未可量也是非二端乎朗曰夫象生有定數吉凶有前期變而能通故治亂

有可易之理是以君子之於易動則觀其變而玩其占問之而後行考之而後舉欲令天下順時而進知難而退此算所以見重於先王也故曰危者使平易者使傾善人少惡人多暗主眾明君寡堯舜繼禪歷代不逢伊周復辟近古亦絕非運之可變也化之不可行也道悠世促求才實難或有臣而無君或有君而無臣故全之者鮮矣仲尼曰如有用我者吾其爲東周乎此有臣而無君也章帝曰堯作大章一夔足矣此有君而無臣也是以文武之業遂淪於仲尼禮樂之美不行於章帝治亂之漸必有厥由而興

廢之成終嘆所遇易曰功業見乎變此之謂也何謂無二
端府君曰周公定鼎於郊鄒卜世三十卜年八百豈亦二
端乎朗曰聖人輔相天地準繩陰陽恢皇綱立人極修策
整馭長羅遠羈昭治亂於未然算成敗於無兆固有不易
之數不定之期假使庸主守之賊臣犯之終不促已成之
期於未衰之運乎故曰周德雖衰天命未改聖人知明王
賢相不可必遇聖謀睿策有時而弊故考之典禮稽之龜
策卽人事以申天命懸厯數以示將來或已盛而更衰或
過算而不足是故聖人之法可貴也向使明王繼及良佐

鍾武則當億萬斯年與天無極豈止三十世八百年而已
哉過算餘年者非先王之功卽桓文之力也天意人事豈
徒然哉府君曰龜筮不出聖謀乎朗曰聖謀定將來之基
龜筮告未來之事遞相表裏安有異同府君曰大哉人謀
朗曰人謀所以安天下也夫天下大器也置之安地則安
置之危地則危是以平路安車狂夫審乎難覆乘奔馭朽
童子知其必危豈有周禮旣行歷數不延秦法旣立宗祧
能踰乎噫天命人事其同歸矣

劉孝孫

孝孫荊州人隋大業末爲王世充弟杞王辯行臺郎中辯
降歸國貞觀六年遷著作佐郎吳王友歷諮議參軍遷太
子洗馬未拜卒

沙門慧淨詩英華序

釋教之爲義也大矣哉智識所不能名言視聽所不得聞
見馬鳴龍樹宏聖旨於前慧遠道安闡微言於後至於紹
高蹤而孤引踵逸軌以遐征誰之謂歟慧淨法師卽其人
矣法師淳和稟氣川嶽降精神解內融心機外朗髫年對
日卅歲參元擢本森梢干雲階乎尺木回瀾淼漫浴日導

乎蒙泉而慧炬夙明禪枝早茂臨閱川而軫慮瞻定水以
怡神旣彼勞生悟茲常樂三乘奧義渙矣冰消二諦法門
怡然理順俄而發軔東夏杖錫西秦至於講肆法筵聆嘉
聲而響赴剖疑析滯服高義而景從明鏡屢照而不疲洪
鐘待叩而斯應窮涯盈量虛往實歸誠佛法之棟梁僧徒
之領袖者也予昔遊京輦得伸景慕寥寥淨域披雲而見
光景落落閑居入室而生虛白法師導予以實際誘予以
眞如挹海不知其淺深學山徒仰其峻極嘗以法師敷演
之暇商榷翰林若乃園柳天榆之篇阿閣綺牕之詠魏王

北上陳思南國嗣宗之賦明月彭澤之摛微雨逮乎顏謝
摛藻任沈適文足以理會八音言諧四始咸遞相祖述鬱
爲龜鏡豈獨光於曩代而無繼軌者乎近世文人才華間
出周武帝震彼雄圖削平漳滏隋高祖韞茲英畧龔定江
淮混一車書大開學校溫邢譽高於東夏徐庾價重於南
荆王司空孤秀一時沈恭子標奇絕代凡此英彥安可闕
如自參墟啟祚重光景曜大宏文德道冠前王邁軸之士
風趨林壑之賓雲集故能抑揚漢徹孕育曹丕文雅鬱興
於茲爲盛余雖不敏竊有志焉旣而舟壑潛移悼陵谷而

遷買居諸易晚惻人世之難常固請法師暫迴清鑒採摭
詞實耘剪繁蕪蓋君子不常矜莊刪詩未爲斯玷自劉廷
尉所撰詩苑之後纂而續焉潁川庾幼孫學該墳索行齊
顏閔京兆韋山甫耿介有奇節弋獵綜羣言與法師周旋
情逾膠漆覩斯盛事咸共贊成生也有涯庾侯長逝永言
怛化不覺流襟頃觀其遺文久爲陳迹今亦次乎汗簡貽
諸後昆法師式遵舊章纂斯鴻烈子聊因暇日敬述芳猷
俾郢唱楚謠同管絃而播響春華秋實與天地而長存遂
使七貴揖其嘉猷五眾欣其慧識凡預能流家藏一本

張蘊古

蘊古相州洹水人自幽州總管府記室直中書省上大寶箴以諷擢大理丞以治李孝德獄爲權萬紀所劾誅

大寶箴

今來古往俯察仰觀惟辟作福爲君實難主普天之下處王公之上任土貢其所求具寮陳其所倡是故恐懼之心日弛邪僻之情轉放豈知事起乎所忽禍生乎无妄固以聖人受命拯溺亨屯歸罪於已因心於民大明無私照至公無私親故以一人治天下不以天下奉一人禮以禁其

奢樂以防其佚左言而右事出警而入蹕四時調其慘舒
三光同其得失故身爲之度而聲爲之律勿謂無知居高
聽卑勿謂何害積小就大樂不可極樂極生哀欲不可縱
縱欲成災壯九重於內所居不過容膝彼昏不知瑤其臺
而瓊其室羅八珍於前所食不過適口惟狂罔念邱其糟
而池其酒勿內荒於色勿外荒於禽勿貴難得貨勿聽亡
國音內荒伐人性外荒蕩人心難得之貨侈亡國之音淫
勿謂我尊而傲賢慢士勿謂我智而拒諫矜已聞之夏后
據饋頻起亦有魏帝牽裾不止安彼反側如春陽秋露巍

魏蕩蕩恢漢高大度撫茲庶事如履薄臨深戰戰慄慄用
周文小心詩之不識不知書之無偏無黨一彼此於胸臆
捐好惡於心想眾棄而後加刑眾悅而後行賞弱其強而
治其亂伸其屈而直其枉故曰如衡如石不定物以限物
之懸者輕重自見如水如鏡不示物以情物之鑿者妍蚩
自生勿渾渾而濁勿皎皎而清勿汶汶而闇勿察察而明
雖冕旒蔽目而視於未形雖黈纆塞耳而聽於無聲縱心
乎湛然之域游神於至道之精扣之者應洪纖而效響酌
之者隨深淺而皆盈故曰天之清地之寧王之貞四時不

言而代序萬物無爲而受成豈知帝力而天下和平吾王撥亂戡以智力民懼其威未懷其德我皇輔運扇以淳風民懷其始未保其終爰述金鏡窮神盡聖使人以心應言以行包括治體抑揚詞令天下爲公一人有慶開羅起祝援琴命詩一日二日念茲在茲惟人所召自天祐之諍臣司直敢告前疑

韋挺

挺雍州萬年人高祖平京師署隴西公府祭酒貞觀朝歷吏部黃門侍郎拜御史大夫封扶風縣男貶象州刺史卒

年五十八

論風俗失禮表

臣聞父母之恩昊天罔極創巨之痛終身何已今衣冠上族辰日不哭謂爲重喪親賓來弔輒不臨舉又閭里細人每有重喪不卽發問先造邑社待營辦具乃始發哀至假車乘雇棺槨以榮送葬旣葬鄰伍會集相與酣醉名曰出孝夫婦之道王化所基故有三日不息燭不舉樂之感今昏嫁之初雜奏絲竹以窮晏歡官司習俗弗爲條禁望一切懲革申明禮憲

袷禘功臣配享議

古之王者富有四海而不朝夕上膳於宗廟者患其禮過也故曰春秋祭祀以時思之至於臣有大功享祿其後子孫率禮潔粢豐盛禴祀烝嘗四時不輟國家大袷又得配焉所以昭明其勲尊顯其德以勸嗣臣也其禘及時享功臣皆不應預故周禮六功之官皆配大烝而已先儒皆以大烝爲袷祭高堂隆庾蔚之等多遵鄭學未有將爲時享又漢魏袷祀皆在十月晉朝禮官欲用孟秋殷祭左僕射孔安國啟彈坐免者不一梁初誤禘功臣左丞何佟之駁

議武帝允而依行降洎周齊俱遵此禮竊以五年再殷合諸天道一大一小通人雅論小則人臣不預大則兼及有功今禮禘無功臣誠謂禮不可易

涇水讚

決渠濁流屬渭清津流亦毒晉靈嘗崇秦

敬播

播蒲州河東人貞觀初進士授太子校書再遷太子司議郎永徽初拜諫議大夫給事中出爲越州都督府長史龍朔三年卒

駁刑部謀反大逆兄弟改從重法議

昆季孔懷天倫雖重比於父子性理已殊生有異室之文
死有別宗之義今有高官重爵本蔭唯迨子孫祚土錫圭
餘光不及昆季豈有不沾其蔭輒受其辜背禮違情殊爲
太甚必期反茲春令踵彼秋荼創次骨於道德之辰違深
文於措刑之日臣將以爲不可

上官儀

儀字游韶陝州陝人幼度爲沙門貞觀初舉進士授宏文
館直學士累遷起居郎高宗朝遷祕書少監加銀青光祿

大夫西臺侍郎同東西臺三品許敬宗誣與梁王忠謀逆
下獄死中宗時追贈中書令秦州都督楚國公

黜梁王忠爲庶人詔

東臺朕儲祉上元嗣膺景祚獵先聖之闕踐至公之道底

罰行賞御物同歸房州刺史梁王忠居庶孽之地在髻州

之辰柳奭遂良闕結無忌頻煩進說勸立東朝朕以副宮

之位宜遵周道苟非其人不可虛立正以宗臣之寄仰在

諸公旦夕勤懇難違其意及正嫡升儲退居列屏樂善之

事紊於賓僚窺怨之詞日盈牀第婦女阿劉遠有陳告迹

其罪狀蓋非一塗乃僞作過所入關云欲出家逃隱又令
急使數詣京師覘候兩宮潛問消息自說妖夢戴通天冠
喜形於色以邀非望每召經師祀龍作福畫千菩薩願升
本位每於晨夕著婦人衣妄有猜疑云防細作又嗟嘆柳
奭稱其爲悼傷韓瑗情發於詞朕初見此言疑生怨謗故
遣御史大夫闕理及中書官屬相監推鞠證見非虛然其
地則人臣親則人子懷姦匿怨一至於斯擢髮論罪良非
所喻考之大義應從極罰皇后情在哀矜興言垂涕再三
陳請特希全宥朕戚屬之中頗虧國典緬維前載匪往茲

予屬懷於此猶深愧歎特宜屈法降爲庶人主者施行

冊紀王慎爲荊州都督文

維顯慶五年歲次庚申某月某朔某日甲子皇帝若曰於
戲南紀之津上躡翼軫西浮之路旁帶巴巫信形勝之大
澤是英靈之奧府恤隱之寄懿親攸屬頒條之美良翰爰
歸左衛大將軍澤州刺史上柱國紀王慎漸天漢而含潤
資日觀以摛文藝重三雍道優二陝梁池挺秀燕館趨賢
位表銜珠入光蘭錡職華分竹出美棠陰簡惠以孚聲績
斯邵是用命爾爲使持節都督荆峽岳朗等四州諸軍事

金定台厚三 卷一百三十一 三
荆州刺史大將軍上柱國紀王勳封並如故往欽哉夫道
德齊禮允布政之化踐孝依仁誠立身之本必宜周旋勿
墜雅譽彌高勉修迺職對揚休命可不慎歟

冊周王顯爲并州都督文

維龍朔元年歲次辛酉十月癸亥朔十七日巳卯皇帝若
曰夫騰華星苑崇名器於藩維憑暉日御峻寵章於侯服
故本枝增蔚鴻緒滋繁而汾陽奧區鎮龍山而控遠冀方
腴壤接雁塞而疏疆連率之寄親賢攸屬咨爾洛州牧上
柱國周王顯風則開秀器彩靈明識表魏舟之象詞掩漢

臺之駕西園孤月委心鏡而齊明小山叢桂偃情田而並
烈溫恭夙邵業尚日新棣萼交芬珪璋具美是用命爾爲
使持節都督并汾冀嵐等四州諸軍事并州刺史牧及勲
封並如故爾其克修天爵聿苞地義方資化敷大夏惠漸
京陵必宜缺社鳴桴褰帷廣聽懋宣聲績克壯其猷長綏
福履光膺顯命可不慎歟

冊殷王旭輪文

維龍朔二年歲次壬戌十二月景戌朔六日辛卯皇帝若
曰於戲夫握鏡黃道經邦盛於建侯司契紫宸體國昭於

宗翰故迺祚延邳鼎之業歷峻豐社之基惟爾第四子旭
輪流景星躔遵源天漢亞重離而接耀承少海而分瀾秀
質挺華芳聲金潤天人之望夙彰髻綺大雅之規遽形襁
絡幼智該於元表潛識冠於黃中舟象垂風方慙性與封
蟻宣譽終謝生知是用命爾爲殷王止柱國往欽哉將用
齊衡兩獻比迹二南彫藻珪璋粉澤仁義竹池邇浚棗屏
增輝受茲茅土可不祇愼

冊號王鳳爲青州刺史文

維麟德元年歲次甲子正月己酉朔二十一日己巳皇帝

若曰於戲剪商胙邑寵秩盛於隆周懲秦錫社徽名崇於
有漢况乎爵窮五等榮總六條乃茂德之攸升固非賢之
罕擇沁州刺史上柱國號王鳳履局端嚴襟神秀整道光
懿威望重宗維恭慎之心符小言而緝譽虛凝之度包大
雅而揚聲體備剛柔藝殫文武騰芳桂嶽動貞韻而鏘金
寫照荷池響清文而振玉若迺淄源迴跨岱址斜臨人被
萊風俗兼齊舊布中和之化申簡惠之風觀政所先建邦
斯在是用命王爲使持節青州諸軍事青州刺史勲封如
故往欽哉王其克邁十倫稽往賢之峻躅勤宣九德蹈前

哲之英規絕浮競之津廣真淳之路光昭淑問可不慎歟

冊江王元祥爲鄜州刺史文

維麟德元年歲次甲子正月己酉朔二十一日庚午皇帝
若曰於戲列爵開基資連屬而敷化班條馭宇藉蕃衛而
裁風是以光闡帝猷發揮人極固宗庶而兼列必親賢而
並建鄧州刺史上柱國江王元祥識尚閑偉體局貞凝履
順而居真沖撝而持物梁臺旣啟背淮之裾爰萃燕館載
開發洎之駕相趨甄綜掩於河書精通符於沛易道無糾
察政叶寬平包吐茹之奇遞弦韋之用至乃地鄰宗翊俗

備於五方壤密洄封潤沾於九里是用命王爲使持節鄜州諸軍事鄜州刺史勲封並如故往欽哉懋德惟忠持盈在約思勤躬而景問無弛度以虧名宗簡正之規邁安常之節祇膺寵命可不慎歟

冊殷王旭輪爲單于大都督文

維麟德元年歲次甲子二月己卯朔九日丁亥皇帝若曰於戲帝子之星憑紫潯而啟耀天孫之嶽峙青路而摛光故慶表栽梧德成觀梓皇跼屐屏聲孚地軸之西儲秀英藩飈偃宸街之北冀州大都督上柱國殷王旭輪金楨挺

秀玉穎層敷姿表淹凝符彩閑雅淮南之鏡混沖照於髻
辰睢陽之藻齊洪輝於綺日綠車就駕朱邱洞開勝道昭
英賜田期彥蕙獵清風宣芳於大雅蓋承流日澄華於高
義固以聯崇躅於河楚疊茂軌於豐鄆是用命爾爲單于
大都護大都督勲封並如故往欽哉爾其緘訓趨庭兢懷
履薄方資威橫雁塞惠漸龍沙光膺朝獎可不慎歟

冊許圜師左相文

於戲王官用乂弼化佇於丹青宅揆代工成材資於新楨
軼紀龍而遐翥排命扈而增官奉玉劍於副車儼金璫於

重席使繁斯在問望攸歸咨爾左常侍檢校左相兼行太子右中護上柱國平息縣開國公許圜師箕峯構勢橫渚派源幹業峻其家風象賢益其門慶神機朗照靈府洞開識宗三篋敏該韋佩列幹雲敷升漢臺而協彩揮毫波偃懸魏帳而均輝習武經文綢繆於丹宸履忠蹈義非惻於元墀石室蘭房影華纓而振迹通闡綸閣飛若綬而盱衡揚歷羣能執鈞伊寄是用命爾爲左相勲封如故往欽哉爾其燮諧帝載用著克固之躅恢融王道式茂如仁之規削茶止獎茹茅期於上賞纂先烈而騰懿裕後昆而垂則

祇膺朝獎可不慎歟

冊薛孤吳仁右金吾衛大將軍文

皇帝若曰於戲望重韜鈴藉董戎之戒志齊金石膺禦武
之求用闕聞聲之慮式著銜珠之象惟爾右金吾將軍朔

方郡開國公薛孤吳仁志局開爽貞規久濟日契絳官之
術宜符玉帳之機賈勇三軍闕折關之効誠輸八陣標斬

將之奇功樹績方隅書勲王府出茂於分闡入隆於文戰
騰此師訓既穆朝經錫以徽章久疇僉議是用命爾爲金
吾衛大將軍封如故往欽哉其勵乃忠貞恭茲獎飾祇承

寵命可不慎歟

冊寶元德司元太常伯文

皇帝若曰於戲總務文昌司會之名尤重升榮建禮內史
之任彌隆自非才氣兼洽聲望允成何自式管榮辱對揚
綸爵惟爾大司憲護軍寶元德門烈克彰地華合緒踐中
和而立性資文德以含章禮固騰芳儒彌擅寶寵謀動於
簪紱令範光於廊廟攝官憲府勵俗而挺嘉猷受委王京
匪躬而輸懿績効宣朝任誠著周行申其寬直之規三攝
捐益之任是用命爾為兼司元太常伯勲官如故往欽哉

爾其供奉彝倫式昭王度勉爾忠正之誠無忝恪共之表
納吉之寄可不慎歟